



Icyegeranyo cy'amakuru y'imikino yaranze icyumweru

2023

Taliki 28 Nzeri-02 Ukwakira



P.1 Football : AS Kigali yegukanye igikombe kiruta ibindi mu cyiciro cy'abagore

Ijambo ry'ibanze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'Imikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigitimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

- P1 **Football** : AS Kigali yegukanye igikombe kiruta ibindi mu cyiciro cy'abagore
- P1 **Cycling** : Habaye isiganwa "Kirehe Race 2023"
- P2 **Football** : APR FC yasezerewe na Pyramids FC mu mikino y'Afurika
- P2 **Basketball** : Mu Rwanda habereye umwiherero w'abangavu baturutse mu bihugu by'Afurika
- P3 **Football** : Habaye imikino y'umunsi wa 5 wa shampiyona
- P3 **Football** : Rayon Sports yasezerewe na Al Hilal Benghazi mu mikino y'Afurika

1 Football : AS Kigali yegukanye igikombe kiruta ibindi mu cyiciro cy'abagore

Taliki 01 Ukwakira 2023, kuri Kigali Pele Stadium habereye umukino w'igikombe kiruta ibindi "Super Cup 2023" mu mupira w'amaguru mu bagore.

Ikipe ya AS Kigali yitwaye neza yegukana iki gikombe itsinze ku mukino wa nyuma Rayon Sports igitego 1-0.

Mbere y'uyu mukino wa nyuma, ikipe ya Rayon Sports yazamutse mu cyiciro cya mbere uyu mwaka ariko ikaba yarakinnye umukino wa nyuma w'igikombe cy'Amahoro "Peace Cup 2023" yabanje kwisobanura n'Inyemera FC yasoreje ku mwanya wa kabiri muri shampiyona y'icyiciro cya mbere mu bagore.

Muri uyu mukino wabaye taliki 29 Nzeri 2023 warangiye ikipe ya Rayon Sports itsinze Inyemera FC kuri penaliti 5-4 nyuma yo kunganya igitego 1-1.

Ikipe ya AS Kigali yegukanye "Super Cup 2023" yahawe miliyoni 5 z'amafaranga y'u Rwanda naho Rayon Sports ihabwa miliyoni 3.

Nyuma y'uyu mukino, biteganyijwe ko shampiyona y'icyiciro cya mbere y'uyu mwaka wa 2023-2024 izatangira taliki 07 Ukwakira 2023.



Cycling : Habaye isiganwa "Kirehe Race 2023"

Taliki 30 Nzeri na 01 Ukwakira 2023 habaye isiganwa ry'umukino w'amagare "Kirehe Race 2023" ritegurwa ku bufatanye bw'Akarere ka Kirehe n'ishyirahamwe ry'umukino w'amagare mu Rwanda "FERWACY".

Iri siganwa ryari ribaye ku nshuro ya kabiri ryakinwe iminsi ibiri aho taliki 30 Nzeri 2023, abasiganwa mu byiciro bitandukanye bahagurukiye i Kigali bagasoreza i Kirehe nyuma ku muni wa kabiri bakazenguruka muri Kirehe.

Ku muni wa mbere abakinnyi batandukanye barimo Iragena Charlotte na Ingabire Diane bitwaye neza mu bakobwa naho mu bahungu, Nshutiraguma Kevin na Munyaneza Didier bitwara neza.

Ku muni wa kabiri abitwaye neza ni Iradukunda Emmanuel na Tuyipfukamire Aphrodis mu buhungu naho mu bakobwa abitwaye neza ni Mwamikazi Djazila na Byukusenge Mariata.



2 Football : APR FC yasezerewe na Pyramids FC mu mikino y' Afurika

Taliki 29 Nzeri 2023, kuri 30 June Stadium i Cairo mu Misiri habereye umukino wo kwishyura mu mikino y' Afurika y'amakipe yabaye aya mbere iwayo "CAF Champions League 2023-2024". Ikipe ya APR FC yatsinzwe na Pyramids FC yo mu Misiri ibitego 6-1.

Iyi kipe ya Pyramids FC yahise ikomeza mu matsinda ku ntsinzi y'ibitego 6-1 mu mikino yombi kuko ubanza wari wabereye i Kigali amakipe yombi yari yanganyije 0-0.

Amakipe yose yakomeje mu matsinda

Hari Al Ahly (Misiri), Wydad AC (Maroc), Espérance de Tunis (Tunisia), Mamelodi Sundowns (South Africa), CR Belouizdad (Algeria), Pyramids (Misiri), Simba SC (Tanzania), Petro de Luanda (Angola), TP Mazembe (RDC), Al Hilal (Sudani), ASEC Mimosas (Cote d'Ivoire), Young Africans (Tanzania), Étoile du Sahel (Tunisia), Jwaneng Galaxy (Botswana), FC Nouadhibou (Mauritania) na Medeama SC (Ghana).



Basketball : Mu Rwanda habereye umwiherero w'abangavu baturutse mu bihugu by' Afurika

Taliki 26 kugeza 28 Nzeri 2023, muri BK Arena habereye umwiherero w'iminsi itatu w'abakobwa bari munsu y'imyaka 16 "FIBA Africa Regional Youth Camp" mu rwego rwo kuzamura imikinire yabo kugira ngo bazavemo abakinnyi bakomeye mu minsi iri imbere.

Uyu mwiherero ubaye ku nshuro ya 3 nyuma y'uwabaye muri 2021 na 2022 utegurwa n'ishyirahamwe ry'umukino wa Basketball muri Afurika "FIBA Africa" muri gahunda yayo yo guteza imbere umukino wa Basketball biherereye mu bakiri bato.

Abakinnyi 45 baturutse mu bihugu 21 ni bo bitabiriye uyu mwiherero. Ibi bihugu birimo u Rwanda, Nigeria, Gambia, Cote d'Ivoire, South Africa, Mali, Maroc, Burundi, Madagascar, Tanzania, Tunisia, Zambia, Malawi, Ghana, Misiri, Uganda, Burkina Faso, Cameroun, Togo, Central Africa Republic na Congo Brazzaville.

Aba bakobwa bitabiriye batojwe n'abatoza b'inzobere barimo Cheick Sarr usanzwe ari umutoza w'ikipe y'igihugu y'u Rwanda ndetse n'abandi batoza b'abakobwa bavuye mu bihugu bitandukanye harimo n'Abanyarwanda.

Uyu mwiherero mu cyiciro cy'abakobwa wabaye nyuma y'umwiherero w'abahungu wabereye i Bamako mu Misiri kuva taliki 20 kugeza 22 Nzeri 2023.

Kuva iyi gahunda "FIBA Africa Youth Camp" yatangira muri 2021 yageze mu bihugu 43 aho abana 340 bamaze guhugurwa bakaba barimo 135 b'abakobwa.



Football : Habaye imikino y'umunsi wa 5 wa shampiyona

Taliki 30 Nzeri kugeza 02 Ukwakira 2023 habaye imikino y'umunsi wa 5 wa shampiyona y'icyiciro cya mbere mu mupira w'amaguru mu bagabo. Imikino y'umunsi wa 6 biteganyijwe ko izaba taliki 10 na 11 Ukwakira 2023.

Uko imikino yagenze

Taliki 30-09-2023

- Musanze FC **0-0** Mukura
- Etoile de l'Est **1-0** Etincelles FC
- Bugesera FC **3-0** Gasogi United

Taliki 01-10-2023

- Muhazi United **0-0** Marines FC
- AS Kigali **1-1** Amagaju FC

Taliki 02-10-2023

- Kiyovu **1-0** Gorilla FC

Urutonde rwa shampiyona 2023-2024

Umwanya	Ikipe	Imikino	Amanota
1	Musanze FC	4	10
2	Amagaju FC	5	09
3	Kiyovu	5	08
4	APR FC	3	07
5	Gasogi United	5	07
6	Bugesera FC	5	06
7	Sunrise FC	4	06
8	Etoile de l'Est	5	06
9	Mukura	5	06
10	Rayon Sports	3	05
11	Marines FC	4	05
12	AS Kigali	5	05
13	Police FC	4	04
14	Gorilla FC	5	04
15	Etincelles FC	5	04
16	Muhazi United	5	03



Football : Rayon Sports yasezerewe na Al Hilal Benghazi mu mikino y'Afurika

Taliki 30 Nzeri 2023, kuri Kigali Pelé Stadium habereye umukino wo kwishyura mu mikino y'Afurika y'amakipe yitwaye neza iwayo "CAF Confederation Cup 2023-2024" wahuje ikipe ya Rayon Sports yo mu Rwanda na Al Hilal Benghazi SC yo muri Libya.

Nyuma y'uko aya makipe yari yanganyije igitego 1-1 mu mukino ubanza yongeye kunganya igitego 1-1 no mu mukino wo kwishyura imikino yombi irangira ari ibitego 2-2 hitabazwa Penaliti, ikipe ya Al Hilal Benghazi yinjiza 4 kuri 2 za Rayon Sports.

Ikipe ya Al Hilal Benghazi yahise ikatisha itike yo gukomeza mu matsinda y'imikino y'Afurika.

Amakipe yose yakomeje mu matsinda

Hari Zamalek (Misiri), RS Berkane (Maroc), USM Alger (Algeria), Rivers United (Nigeria), Diables Noirs (Congo Brazzaville), Sagrada Esperança (Angola), Future (Misiri), Club Africain (Tunisia), Académica do Lobito (Angola), Dreams FC (Ghana), Académie SOAR (Guinea), Abu Salim (Libya), Al Hilal Benghazi (Libya), Stade Malien (Mali), Sekhukhune United (South Africa) na SuperSport United (South Africa).





RWANDA
Olympic rings logo



commonwealth
games
RWANDA

Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org |     @RwandaOlympic

Address: Remera–Hallmark Center Building KG 17 Ave